

Полунощница – читается в 23.30 в субботу

Старший: Молитвами святых отец наших, Господи, Иисусе Христе, Сыне Божий, помилуй нас.

Чтец: Аминь.

Царю Небесный, Утешителю, Душе Истины, Иже везде Сый и вся исполняй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, Души наша.

Святой Боже, Святой Крепкий, Святой Бессмертный, помилуй нас.
Трижды.

Слава Отцу и Сыну и Святому Духу, и ныне и присно и во веки веков, аминь.

Пресвятая Троице, помилуй нас, Господи, очисти грехи наша, Владыко, прости беззакония наша, Святой, посети и исцели немощи наша имене Твоего ради.

Господи, помилуй. *Трижды.*

Слава Отцу, и Сыну, и Святому Духу, и ныне и присно, и во веки веков, аминь.

Отче наш, Иже еси на небесех. Да святится Имя Твое, да приидет Царствие Твое, да будет воля Твоя, яко на небеси и на земли. Хлеб наш насущный даждь нам днесь, и остави нам долги наша, якоже и мы оставляем должником нашим. И не введи нас во искушение, но избави нас от лукаваго.

Старший: Господи, Иисусе Христе, Сыне Божий, помилуй нас.

Чтец: Аминь.

Господи, помилуй, *12 раз.*

Слава Отцу, и Сыну, и Святому Духу, и ныне и присно, и во веки веков, аминь.

Приидите, поклонимся Цареву нашему Богу.

Приидите, поклонимся и припадем Христу, Цареву нашему Богу.

Приидите, поклонимся и припадем Самому Христу, Цареву и Богу нашему.

Помилуй мя, Боже, по велицей милости Твоей, и по множеству щедрот Твоих очисти беззаконие мое. Наипаче омой мя от беззакония моего, и от греха моего очисти мя. Яко беззаконие мое аз знаю и грех мой предо мною есть выну. Тебе Единому согреших, и лукавая пред Тобою сотворих; яко да оправдишися во словесех Твоих и победиши, внегда судити Ти. Се бо в беззакониих зачат есмь, и во гресех роди мя мати моя. Се бо истину возлюбил еси, безвестная и тайная премудрости Твоя явил ми еси. Окропиши мя иссопом и очищуся, омыеши мя, и паче снега убелюся. Слуху моему даси радость и веселие, возрадуются кости смиренныя. Отврати лице Твое от грех моих, и вся беззакония моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего, и Духа Твоего Святаго не отыми от мене. Воздаждь ми радость спасения Твоего, и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей, Боже, Боже спасения моего, возрадуется язык мой правде Твоей. Господи, устне мои отверзешу, и уста моя возвестят хвалу Твою. Яко аще бы восхотел еси жертвы, дал бых убо, всесожжения не благоволиши. Жертва Богу дух сокрушен, сердце сокрушенно и смиренно Бог не уничижит. Ублажи, Господи, благоволением Твоим Сиона, и да созиждутся стены Иерусалимския. Тогда благоволиши жертву правды, возношение и всесожегаемая; тогда возложат на олтарь Твой тельцы.

канон, глас 6. Песнь 1

Ирмос: Волною морскою Скрывшаго древле гонителя мучителя, под землю скривша спасенных отроцы: но мы яко отроковицы Господевы поим, славно бо прославися.

Слава Тебе, Боже наш, слава Тебе.

Господи Боже мой, исходное пение, и надгробную Тебе песнь воспою, погребением Твоим жизни моея входы отверзшему, и смертию смертью и ад умертвившему. (4 раза).

Слава Тебе, Боже наш, слава Тебе.

Горе Тя на престоле, и доле во гробе, премирная и подзёмная помышляющая, Спасе мой, зыбляхуся умерщвлением Твоим: паче ума бо, виден был еси мертв. Живоначальниче. (4 раза).

Слава Отцу, и Сыну, и Святому Духу и ныне и присно, и во веки веков.
Аминь.

Да Твоея славы вся исполниши, сшел еси в нижняя земли: от Тебе бо не скрися состав мой иже во Адаме, и погребен истлевша мя обновляеши, Человеколюбче.

Ирмос: Волною морскою Скрывшаго древле гонителя мучителя, под землею скрйша спасенных отроцы: но мы яко отроковицы Господеви поим, славно бо прославися.

Песнь 3

Ирмос: Тебе, на водах Повесившаго всю землю неодолимо, тварь видевши на Лобнем висима, ужасом многим содрогашеся, несть Свят, разве Тебе, Господи, зывающе.

Слава Тебе, Боже наш, слава Тебе.

Образы погребения Твоего показал еси, видения умножив: ныне же сокровенная Твоя Богомужно уяснил еси, и сущим во аде Владыко, несть Свят, разве Тебе, Господи, зывающим. (4 раза).

Слава Тебе, Боже наш, слава Тебе.

Простерл еси длани, и соединил еси древле разстоящаяся: одеянием же, Спасе, еже в плащанице и во гробе, окованная разрешил еси, несть Свят, разве Тебе, Господи, зывающим. (4 раза).

Слава Отцу, и Сыну, и Святому Духу и ныне и присно, и во веки веков. Аминь.

Гробом и печатями, Невместиме, содержимь был еси хотением: ибо силу Твою действа показал еси, богодейственно поющим: несть Свят, разве Тебе, Господи Человеколюбче.

Ирмос: Тебе, на водах Повесившаго всю землю неодолимо, тварь видевши на Лобнем висима, ужасом многим содрогашеся, несть Свят, разве Тебе, Господи, зывающе.

Хор: Господи, помилуй. *Трижды*

Чтец: Слава Отцу и Сыну и Святому Духу и ныне и присно и во веки веков, аминь.

Хор: Аминь

Седáлен, глас 1:

Гроб Твой, Спасе, во́ини стрегу́ции, мёртви от облиста́ния явльша́гося
А́нгела б́йша, пропове́дающа жена́м воскресе́ние. Тебе́ сла́вим тли
Потребите́ля, Тебе́ припада́ем воскресе́шему из гроба́, и Еди́ному Бо́гу
на́шему.

Песнь 4

Ирмо́с: На Кресте́ Твое́ Божество́нное истощание пров́идя Авваку́м,
ужа́сса вопия́ше: Ты си́льных пресе́кл еси́ держа́ву, Бла́же, приобща́лся
су́щым во а́де, я́ко Всеси́лен.

Сла́ва Тебе́, Бо́же наш, сла́ва Тебе́.

Седмýй день днесь освяти́л еси́, егóже дрéвле благослови́л еси́
упоко́ением дел: преводи́ши бо вся́ческая и обновля́еши, суббо́тствуя,
Спасе мой, и назидая. (4 раза).

Сла́ва Тебе́, Бо́же наш, сла́ва Тебе́.

Си́лою лу́чшаго, победившаго Тебе́, от плóти душа́ Твоя́ раздели́ся:
растерза́ющи бо обо́я ўзы, сме́рти и а́да, Сло́ве, держа́вою Твое́ю. (4 раза).

Сла́ва Отцу́, и Сы́ну, и Свято́му Ду́ху и ны́не и пр́сно, и во ве́ки веко́в.
Ами́нь.

Ад, Сло́ве, срет Тя огорчи́ся, Челове́ка зря обоже́на, уязвлена́ ра́нами, и
Всеси́льноде́теля, Стра́шным же зра́ком поги́бе.

Ирмо́с: На Кресте́ Твое́ Божество́нное истощание пров́идя Авваку́м,
ужа́сса вопия́ше: Ты си́льных пресе́кл еси́ держа́ву, Бла́же, приобща́лся
су́щым во а́де, я́ко Всеси́лен.

Песнь 5

Ирмо́с: Богоявле́ния Твоего́, Христе́, к нам ми́лостивно б́ившаго, Иса́иа
Свет ви́дев Невече́рний, из но́щи ўтреневав взыва́ше: воскресе́нут мёртвии,
и воста́нут су́щии во гробёх, и вси земноро́днии возра́дуются.

Сла́ва Тебе́, Бо́же наш, сла́ва Тебе́.

Новотвориши земныя Создателю, перстен быв, и плащаница и гроб
являют еже в Тебѣ, Слове, таинство: благообразный бо советник, Тебѣ,
рождашаго совет, образует, в Тебѣ велелепно новотворящаго мя. (4 раза).

Слава Тебѣ, Божѣ наш, слава Тебѣ.

Смертию смертное, погребением тленное прелагаеши, нетленно твориши
бо, благолепно безсмертно творя прїятие: плоть бо Твоя истления не виде,
Владыко, ниже душа Твоя во аде страннолепно оставлена бысть. (4 раза).

Слава Отцѹ, и Сыну, и Святому Духу и ныне и присно, и во веки веков.
Аминь.

Из Небрачныя прошед, и прободен в ребра, Содетелю мой, из Нея соделал
еси обновлєние Евино, Адам быв, уснув паче естества сном естественным,
и жизнь воздвигнув от сна и тления яко Всесилен. (Дважды).

Ирмос: Богоявления Твоего, Христе, к нам милостивно бывшаго, Исаия
Свет виде в Невечерний, из нощи утреневав зываше: воскреснут мертвии,
и востанут сущии во гробех, и вси земнороднии возрадуются.

Песнь 6

Ирмос: Ят бысть, но не удержан в персех китовых Иона: Твой бо образ
нося, страдавшаго, и погребению давшагося, яко от чертога от зверя
изыде, приглашаше же кустодии: хранящим суетная и ложная, милость
сию оставили есте.

Слава Тебѣ, Божѣ наш, слава Тебѣ.

Биден был еси, но не разделился, еси, Слове, еяже причастился еси плоти:
аще бо и разорился Твой храм во время страсти, но и тако един бе состав
Божества и плоти Твоея. Во обоих бо един еси Сын, Слово Божие, Бог и
Человек. (4 раза).

Слава Тебѣ, Божѣ наш, слава Тебѣ.

Человекоубийственно, но не богоубийственно бысть прегрешение
Адамово: аще бо и пострадал Твоея плоти перстное существо, но Божество
безстрастно пребысть: тленное же Твое на нетление преложил еси, и
нетленные жизни показал еси Источник воскресением. (4 раза).

Сла́ва Отцу́, и Сы́ну, и Свято́му Ду́ху и ны́не и прѣсно, и во ве́ки веко́в. Ами́нь.

Ца́рствует ад, но не ве́чнует, над ро́дом челове́ческим: Ты бо поло́жся во гробе́ державне. Живонача́льною дла́нию, сме́рти ключи́ разве́ргл еси́, и пропове́дал еси́ от ве́ка та́мо спя́щим изба́вление неложное, быв Спа́се ме́ртвым Пе́рвенец. (Два́жды).

Ирмо́с: Ят бысть, но не удержа́н в пе́рсах кито́вых Ио́на: Твой бо о́браз нося, страда́вшаго, и погребё́нию да́вшагося, я́ко от черто́га от зве́ря изыде, приглаша́ше же кустоди́и: храня́щим су́етная и ло́жная, ми́лость сию́ оста́вили естé.

Хор: Го́споди, поми́луй. *Трижды*

Чтец: Сла́ва Отцу́ и Сы́ну и Свято́му Ду́ху и ны́не и прѣсно и во ве́ки веко́в, ами́нь.

Хор: Ами́нь

конда́к, глас 6:

Бездну́ заключи́вый, мертв зрѣ́тся, и сми́рною и плащани́цею обви́вся, во гробе́ полага́ется я́ко сме́ртный Безсме́ртный: же́ны же приидо́ша пома́зати Егó ми́ром, пла́чущыя го́рько и вопио́щыя: сий суббо́та есть пре́благослове́нная, в не́йже Христо́с усну́в воскресе́нет тридне́вен.

Икос: Содержа́й вся на Кресте́ вознесе́ся, и рыда́ет вся тварь, Того́ ви́дящи на́га ви́сяща на дре́ве, со́лнце лучы́ сокры́, и зве́зды отложи́ша свет, земля́ же со мно́гим стра́хом поколебáся, и мо́ре побеже́, и ка́мение распадéся, гробы́ же мно́зи отверзо́шася, и телеса́ воста́ша святы́х муже́й. Ад ни́зу стенéт, и иудее́ советуют оклеветáти Христо́во Воскресе́ние, жены́ же взывáют: Сия́ суббо́та есть пре́благослове́нная, в не́йже Христо́с усну́в воскресе́нет тридне́вен.

Песнь 7

Ирмо́с: Неизрече́нное чудо, в пе́щи Изба́вивый преподо́бныя о́троки из пла́мене, во гробе́ мертв бездыхáнен полага́ется, во спасе́ние нас пою́щих: Изба́вителю́ Бо́же, благослове́н еси́.

Сла́ва Тебе́, Бо́же наш, сла́ва Тебе́.

Уязвіся ад, в сёрдце приём Уязвэннаго копиём в рэбра, и воздыхает огнём Божественным иждиваемъ, во спасение нас поющих: Избавителю Бóже, благословён еси. (Трижды).

Слава Тебѣ, Бóже наш, слава Тебѣ.

Богат гроб, в себѣ бо приим яко спяща Содетеля, жизни Божественное сокровище показася, во спасение нас поющих: Избавителю Бóже, благословён еси. (Трижды).

Слава Тебѣ, Бóже наш, слава Тебѣ.

Законом умерших еже во гробе положѣние, всех приѣмлет жизнь, и сего источника показует востанія, во спасение нас поющих: Избавителю Бóже, благословён еси. (Трижды).

Слава Отцѹ, и Сыну, и Святому Духу и ныне и присно, и во веки веков. Аминь.

Едино быше неразлучное, еже во аде, и во гробе, и во Едеме, Божество Христово, со Отцем и Духом, во спасение нас поющих: Избавителю Бóже, благословён еси.

Ирмос: Неизреченное чудо, в пещи Избавивый преподобныя отроки из пламене, во гробе мертв бездыханен полагается, во спасение нас поющих: Избавителю Бóже, благословён еси.

Песнь 8

Ирмос: Ужаснися бойся небо, и да подвижутся основания земли: се бо в мертвецех вменяется в Вышних живый, и во гроб мал странноприимается. Егоже отроцы благословите, священницы воспойте, людие превозносите во вся веки. (Дважды).

Слава Тебѣ, Бóже наш, слава Тебѣ.

Разрушися Пречистый Храм, падшую же совозставляет скинию: Адаму бо первому Вторый, Иже в Вышних живый, сниде даже до адовых сокровищ. Егоже отроцы благословите, священницы воспойте, людие превозносите во вся веки. (4 раза).

Слава Тебѣ, Бóже наш, слава Тебѣ.

Преста дёрзость ученико́в, Аримафе́й же изря́дствует Ио́сиф: ме́ртва бо и на́га зря над все́ми Бо́га, про́сит и погреба́ет, зовы́й: о́троцы благослови́те, священни́цы воспой́те, лю́дие превозно́сите во вся ве́ки. (4 раза).

Благослови́м Отца́ и Сы́на и Свята́го Ду́ха, Го́спода и ны́не и прісно, и во ве́ки веко́в. Ами́нь.

О чудес но́вых! О бла́гости! О неизрече́ннаго терпе́ния! Во́лею бо под землёю печатле́ется, И́же в Вы́шних живы́й, и я́ко льстец, Бог оклеветает́ся. Егóже о́троцы благослови́те, священни́цы воспой́те, лю́дие превозно́сите во вся ве́ки.

Хвалим, благослови́м, покланя́емся Го́сподеви, пою́ще и превозно́сяще во вся ве́ки.

Ирмо́с: Ужасни́ся боя́йся не́бо, и да подви́жатся основа́ния землі: се бо в мертвецех вменя́ется в Вы́шних живы́й, и во гроб мал странноприе́млет́ся. Егóже о́троцы благослови́те, священни́цы воспой́те, лю́дие превозно́сите во вся ве́ки.

Песнь 9

Ирмо́с: Не рыда́й Мене́, Ма́ти, зря́щи во грóбе, Егóже во чре́ве без семене зачала́ еси́ Сы́на: воста́ну бо и просла́влю́ся, и вознесу́ со сла́вою непреста́нно, я́ко Бог, ве́рою и любóвию Тя велича́ющыя.

Сла́ва Тебе́, Бо́же наш, сла́ва Тебе́.

В страна́нем Твоём рождестве́, болезне́й избежа́вши па́че естества, ублажи́хся Безнача́льне Сы́не: ны́не же Ты, Бо́же Мой, бездыха́нна зря́щи ме́ртва, ору́жием печáли растерза́юся лю́те, но воскресни́, я́ко да возвели́чуся. (4 раза).

Сла́ва Тебе́, Бо́же наш, сла́ва Тебе́.

Земля́ покрывáет Мя хотя́ща, но устраша́ются áдовы вратни́цы, одя́на видя́ще оде́ждею окровавле́ною Ма́ти, отмщэ́ния: враги́ бо Кресто́м паразі́в я́ко Бог, воскресну́ па́ки, и возвели́чу Ты. (4 раза).

Сла́ва Отцу́ и Сы́ну и Свято́му Ду́ху и ны́не и прісно и во ве́ки веко́в, ами́нь.

Да радуется тварь, да веселятся вси земнороднии, враг бо пленися ад: с мiры жены да сретают, Адама со Евою избавляю всеродна, и в третiй день воскрeсну.

Ирмос: Не рыдай Мене, Мати, зрящи во гробе, Егoже во чреве без семене зачала еси Сына: востану бо и прославлюся, и вознесу со славою непрестанно, яко Бог, верою и любовью Тя величающыя.

Плащаница уносится

Святый Боже, Святый Крепкий, Святый Бессмертный, помилуй нас.
Трижды.

Слава Отцу и Сыну и Святому Духу, и ныне и присно и во веки веков, аминь.

Пресвятая Троице, помилуй нас, Господи, очисти грехи наша, Владыко, прости беззакония наша, Святый, посети и исцели немощи наша имене Твоего ради.

Господи, помилуй. *Трижды.*

Слава Отцу, и Сыну, и Святому Духу, и ныне и присно, и во веки веков, аминь.

Отче наш, Иже еси на небесех. Да святится Имя Твое, да приидет Царствие Твое, да будет воля Твоя, яко на небеси и на земли. Хлеб наш насущный даждь нам днесь, и остави нам долги наша, якоже и мы оставляем должником нашим. И не введи нас во искушение, но избави нас от лукаваго.

Старший: Господи, Иисусе Христе, Сыне Божий, помилуй нас.

Чтец: Аминь.

Тропарь. Глас 2:.

Егда снизшел еси к смерти, Животе Безсмертный, / тогда ад умертвил еси блистанием Божества: / егда же и умершия от преисподних воскресил еси, / вся силы небесныя взываху: / Жизнодавче, Христе Боже наш, слава Тебе.

Хор: Гoсподи, помилуй. *Трижды*

Чтец: Слава Отцу и Сыну и Святому Духу и ныне и присно и во веки веков, аминь.

Хор: Ами́нь

Сла́ва Отцу́, и Сы́ну, и Свято́му Ду́ху и ны́не, и прісно, и во ве́ки веко́в. Ами́нь.

Честне́йшую Херуви́м и сла́внейшую без сравне́ния Серафи́м, без ислéния Бо́га Сло́ва ро́ждшую, су́щую Богоро́дицу Тя велича́ем. Сла́ва Отцу́, и Сы́ну, и Свято́му Ду́ху и ны́не, и прісно, и во ве́ки веко́в. Ами́нь.

Господи, помилуй. *(Трижды).*

Господи, благослови.

Старший: Молитвами святых отец наших, Господи, Иисусе Христе, Сыне Божий, помилуй нас.

Чтец: Ами́нь